

平明省掌於門外計列諸司引就版位且稱容止立定其中一人進申丞命曰進之諸司俱稱唯傳授在最下一人總取進之錄總計其卷數讀申輔判曰勘之錄稱唯丞命曰候之諸司俱稱唯共退亦如申送五位以上上日儀訖令專當錄并史生總勘造簿十日平旦遣錄就左辨官版位申曰將申祿文於上兵部亦如之三省輔各引丞錄直度馳道隨左右辨官引就太政官前版位六位以下就後版位立定大臣命曰召之五位以上俱稱唯六位以下亦俱稱唯五位以上隨色就堂上座六位以下依次就底下立定式部錄先讀申兵部次之中務次之大臣若有所問即三輔隨狀辨答大臣判命之三輔俱稱唯次丞錄俱稱唯引還三輔起就版位以退出若於曹司廳即亦准此儀訖造解文十三日進左辨官

〔延喜式十部〕凡諸司春秋季祿解文注載交名

凡內記監物主鈴典鑑等四箇局官人季祿馬料別錄令申不得混雜管省

〔類聚符宣抄六〕中納言藤原元方卿宣中務式部兩省依官人不具去八月十日不申諸司當年秋冬季祿目錄須任先例令進過狀然而此般許殊從寬宥宜除彼兩省之外自餘諸司請印其季祿符者

天慶六年九月二日

大外記兼近江權少掾三統宿禰公忠奉

賜季祿儀

〔儀式九〕二月廿二日賜春夏季祿儀 八月亦准

廿一日式兵兩省錄五位以上歷名移禪正臺兼國者不在此限廿二日式部省分史生爲四番兵部三番預遣省掌

於大藏省唱計諸司令進直丁運積祿物彈正弼以下率史生臺掌至大藏省正藏院就西亭座點檢五位已下訖式兵兩省丞錄率史生省掌等至就座式部丞命錄云令喚省掌錄稱唯命史生云喚省掌史

生稱唯喚二聲省掌稱唯立中庭丞命云置版稱唯趨出省掌一人擎版置之兵部亦同史生分當諸司

計會祿文積祿物畢掃部寮設諸司座於祿物以北辨大夫南面省輔丞錄西面北上史生北面東上省掌東面南上巡察彈正檢察祿

物訖大藏錄進申積祿畢狀於辨官式兵兩省省掌豫整列群官辨大夫喚官掌稱唯進立辨命喚式兵

兩省官掌稱唯退就兩省版喚之先式部後兵部錄稱唯進就版辨命列群官錄稱唯還申輔訖共起就列式部已